




Broj: 01-05-5290 /16
Sarajevo, 21.09.2016. godine

GRADSKO VIJEĆE GRADA SARAJEVA
N/r gosp. Suljo Agić, predsjedavajući



Predmet: Odgovor na vijećničku inicijativu sa 40. sjednice Gradskog vijeća, održane 29.06.2016. godine, koju je uputila Arijana Talović, vijećnica, u ime Kluba gradskih vijećnika SDP-a

Poštovani gosp. Agić,

Arijana Talović, vijećnica, je uputila, u ime Kluba gradskih vijećnika SDP-a, vijećničku inicijativu:

„Centar za odgoj i rehabilitaciju „Vladimir Nazor“ se obratio Klubu gradskih vijećnika SDP-a kao i Općinskom vijeću Novo Sarajevo. Traže od Gradskog vijeća da se nepokretnost koja se nalazi u vlasništvu Grada Sarajeva Z.K. uložak broj 216 K.O. Homar, dodjeli u trajno vlasništvo ovom Centru. Zahtjev obrazlažu činjenicom da je Grad Sarajevo zaključio ugovor kojim se ova nepokretnost daje na korištenje u trajanju od pet godina Centru za odgoj i rehabilitaciju „Vladimir Nazor“, te da je, nakon isteka roka od pet godina, Grad Sarajevo ponovo 2013. istim ugovorom ustupio Centru ovaj objekt na korištenje na narednih 5 godina. Objekt je opremio Grad Sarajevo, a troškove održavanja je snosio Centar. Cijene da bi bilo dobro da objekt bude u vlasništvu Centra, a radi daljeg obogaćivanja sadržaja, za rad i edukaciju korisnika Centra (kao što su već formirani plastenici i pčelinje košnice).“
Inicijativa se upućuje Gradonačelniku da je razmotri, odredi se o njoj i o tome izvjesti Gradsko vijeće.

Odgovor:


Pravobranilaštvo Grada Sarajeva je aktom broj: 01-08-Gp-62/16 od 19.07.2016. godine dostavilo Gradonačelniku podatke koji se tiču pravnog statusa gradske nekretnine Vikend objekt u naselju Gajevi općina Ilijaš, a kojim raspolaže u svojoj službenoj evidenciji:

1. Nesporno je da je nekretnina: vikend objekat u površini od 120 m² i zemljište oko pomenutog objekta u površini od 630 m² vlasništvo Grada Sarajevo sa dijelom 1/1, što je vidljivo iz Zk uloška broj: 216 KO Homar. Predmetna nekretnina se nalazi u naselju Gajevi – Općina Ilijaš.
2. Pravni osnov stečene nekretnine u vlasništvu Grada je notarski obrađen Ugovor o kupoprodaji broj: OPU 2372/08.
3. Predmetna nekretnina je trenutno u posjedu JU „Centar za obrazovanje, odgoj i rehabilitaciju Vladimir Nador“, kao privremeni korisnik, radi realizacije nastavka Projekta „Škola u prirodi“.
4. Pravni osnov privremenog korištenja predmetne gradske nekretnine je Ugovor o privremenom korištenju nekretnine sklopljen od strane Grada Sarajevo sa JU „Centar za obrazovanje, odgoj i rehabilitaciju Vladimir Nador“ broj: 01-14-4965-1/16 od 26.12.2013. godine. Ugovor je sklopljen bez naknade, na period od pet (5) godina.

Kao gradonačelnik Grada Sarajeva smatram da je interes Grada Sarajeva sticati, a ne otuđivati imovinu Grada Sarajeva, te da prenos vlasničkih prava nad predmetnom nekretninom, a uzimajući u obzir njenu vijednost i izdvojena sredstva iz budžeta Grada Sarajeva, ne bi bio ekonomski opravdan. S druge strane, Grad Sarajevo je cijeneći značaj rada i djelovanje JU „Centar za obrazovanje, odgoj i rehabilitaciju Vladimir Nador“ predmetnu nekretninu dodjelio na privremeno korištenje Centru, bez naknade, a za potrebe rada i edukacije korisnika Centra, čime je dao značajan ekonomski doprinos Centru.

Također napominjem da je članom 73. Statuta Grada Sarajeva („Službene novine Kantona Sarajevo“, broj 34/08 – Prečišćeni tekst) propisano da je nosilac prava raspolaganja imovinom Grada Sarajeva Gradsko vijeće. Isto tako, potrebno je istaknuti i kako je sukladno važećoj legislativi u Federaciji BiH, raspolaganje nekretninama u vlasništvu jedinica lokalne samouprave ograničeno i, u pravilu, uvjetovano na način da ovim nepokretnostima mogu raspolagati nadležna tijela tih jedinica samo na osnovu javnog konkursa i uz naknadu utvrđenu po tržišnoj cijeni.

S poštovanjem,



Gradonačelnik

Prof. dr. Ivo Komšić



Komisija za spomenike Gradskog vijeća

Broj: 01-02-1553-3/16

Datum: 12.10.2016. godine

Komisija za spomenike Gradskog vijeća Grada Sarajeva, na sjednici održanoj 12.10.2016. godine, u funkciji pripreme za 43. sjednicu Gradskog vijeća Grada Sarajeva, razmatrala je:

4. Tekuća pitanja

i podnosi Gradskom vijeću Grada Sarajeva sljedeći:

IZVJEŠTAJ

TAČKA 14.

Vijećnička pitanja i inicijative

Poslije rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike upućuje inicijativu Gradskom vijeću da, svojim zaključkom, zaduži Gradonačelnika da pokrene aktivnosti kako bi Grad Sarajevo podigao spomenik osnivaču Grada Sarajeva Isa-beg Ishakoviću.

PREDSJEDAVAJUĆI KOMISIJE



Velija Katica, s.r.